

Jejak Sejarah, Memacu Jaya

Indahnya langit yang membiru dibanjiri awan-awan putih yang megah
Diiringi dengan perjalanan waktu merakami detik-detik sejarah
Mengkukiri kelahiran negaraku hingga ke puncak pencapaian
Indahnya negaraku ini yang keharuman kejayaan
Mendatangkan pertanyaan di sanubariku
Bagaimanakah ini semua berlaku?

'Singapura!', teriakan pertama Sang Nila Utama yang lantang
Menjadikan tanah ini subur dengan pedagang-pedagang yang datang
Berkembang ia semenjak dari kerajaan Majapahit hingga ke mahkota Melaka
Menjadi pelabuhan rantauan utama
Sentiasa dibanjiri mereka yang mencari kemajuan
Dari timur dan barat mendirikan kehidupan baru dengan harapan

1819, Sir Stamford Raffles menakluki atas nama perdagangan
Itulah permainan caturnya tanpa berbau peperangan,
Menggerak ratu dan raja untuk menguasai tanah airku,
Namun pulau ini dibangunkan menjadi pusat pelabuhan yang pesat lagi maju

1942, gelombang tentera Jepun tiba di pantai kami,
Siren-siren berkumandang memecahi keamanan yang dirindui,
Cita-cita rakyat berkecai bertaburan,
Sia-sia kebahagiaan yang dibina dengan kesabaran,
Sia-sia kejayaan dihiasi kehancuran
Adakah ini akhir kemuliaan?

1964, negara majmuk yang selalu bersatu-padu tiba-tiba terpisah,
Api kebencian julang tinggi dan membara antara orang Melayu dan Cina,
Rusuhan meledak berbau perkauman mengembalikan penderitaan kita
Penyelesaian tiba melahirkan bangsa yang satu,
Majulah Singapura! Dengan semangat yang baru

1965, Merdeka!
Tiada hari yang lebih riang-ria
9 Ogos 1965, hari lahir untuk Singapura
Ketakutan menghiris tangkai hati
Kita sabar dan teruja akan masa hadapan nanti

Hari ini adalah hari yang mulia,
Bermulanya kita sebuah pelabuhan kecil lagi terpencil,
Berkembang kita sebagai negara jauh maju yang disegani,
Bermulanya kita sebuah tanah jajahan,
Berkembang kita sebagai negara merdeka lagi bertahan,
Bermulanya kita sebagai rakyat yang berbilang-bangsa dan agama,
Berkembang kita sebagai masyarakat bersatu-padu maju bersama.
Majulah Singapura!

**Karya yang dipertandingkan untuk Sayembara Sastera RGS
2019**